



REPUBLICA DEMOCRÁTICA DE TIMOR-LESTE

GABINETE

SECRETARIO DE ESTADO DOS RECURSOS NATURAIS

BOLSU ESTUDU SERN IHA INDONESIA (SSI)

Iha tinan 2008, Secretario de Estado dos Recursos Naturais (SERN) fo bolsu estudu ba estudante sidadaun Timor – Leste nebe oras ne dadaun halao hela estudu iha Instituisaun no Universidade sira nebe iha Indonesia hodi bele foti fali estudu iha area rekursu naturais.

INTENSAUN BOLSU ESTUDU

Intensaun husi programa ida ne'e maka atu hasae kapasidade ba Rekursu Umanus espesial liu iha area Rekursu Naturais (Minarai, Gas , no industria minerais) hodi fo dalan no ajuda ba estudante sira atu bele kompleta programa Graduasaun (Strata I) iha instituisaun no universidade sira nebe naran famoso iha Indonesia laran tomak.

OBJETIVU

Objetivu husi programa ida ne'e maka atu fo bolsu estudu kompletu no prioridade ba estudante sira nebe sei foti estudu iha Fakultade Teknika Minarai, Teknika Jeolojia no Teknika Minerais iha instituisaun no Universidade iha Indonesia nebe maka espesialija programa iha area sira mak temi iha leten. Ba tinan 2008, bolsu estudu ne'e fo deit ba estudante sira nebe hakarak transfere husi instituisaun no universidade aktual nebe agr dadaun sira estuda ba hodi ba fali iha instituisaun no universidade nebe governu hili no halo ona akordo. (Ba estudante sira nebe oras ne'e sei aktivu iha instituisaun no universidade nebe h foti programa estudu hanesan temi iha leten bele mos hetan bolsu estudu ida ne'e).

UNIVERSIDADE NO PROGRAMA ESTUDUS

Instituisaun no universidade nebe hili ona maka;

1. Universitas Pembangunan nasional (UPN) “Veteran” Yogyakarta
2. Universitas Gadjah Mada (UGM), Yogyakarta
3. Institut Teknologi Bandung (ITB), Bandung
4. Universitas Padjajaran (UNPAD), Bandung

Programa Estudu no Numero Estudante

Programa estudu	<i>Tekniko Minerais</i>	<i>Tekniko Jeologia</i>	<i>Tekniko Minarai</i>	<i>Jeofisika</i>	<i>Tekniko Ambiente</i>
Universidade (Numero Estudante)					
<i>UPN (30)</i>	5		10	3	12
<i>UGM (10)</i>		10			
<i>ITB (50)</i>	15		18	17	
<i>UNPAD (10)</i>		10			

BENEFISIU HUSI BOLSU ESTUDU

Bolsu Estudu SERN (SSI) fo ba individual ida-idak hodi bele kompleta programa akademika tuir perodo ka limitasaun de estudu nebe deside ona husi instituisaun ka universidade sira nebe hili ona, inklui programa matrikulasaun se karik presija.

Tuir mai maka benefisiu sira husi bolsu estudu SERN (SSI) ne'e;

1. Full ou kompletu SPP
2. Kontribuisaun osan ba moris lor-loron sei hetan kada fulan ida husi SERN. Estudante hotu nebe sei komesa estudu iha tinan ne'e nia laran sei hetan total kontribuisaun osan kada fulan ho total Rp. 1,4 Milliaun.

KONDISAUN

Se ita boot simu bolsu estudu SERN (SSI), aplikantes nebe sucessu tenke assina kontratu ho SERN no aseita kondisaun no benefisiu husi programa ne'e. Kondisaun ida husi programa ne'e maka estudante nebe refere tenke fila mai Timor – Leste no serbisu durante tinan 6 depoizde remata estudu, no prontu simu serbisu husi Governu Timor – Leste iha periodu nebe hanesan. Ne'e la signifika katak Governu Timor – Leste sei fasilita kandidatu hotu nebe maka simu bolsu estudu ida ne'e. Kondisaun nebe kompletu bele hare iha annexo A.

KRITERIA HODI SIMU BOLSU ESTUDU

Atu simu bolsu estudu SERN (SSI) iha tinan 2008, kandidatu sira tenke;

1. Ema sidadaun Timor – Leste rasik (bilhete Identidade presija liu)
2. Ba estudante sira nebe agora dadaun estuda hela iha area rekursu naturais ka iha area nebe relevante
3. Foin remata estudu Diploma Tres (D3) iha area relevante
4. IPK (Indeks Prestasi Kumulatif) minimu tenke 2.5

Aplikantes ba fetu mak sei fo prioridade. Ami hein katak minimu 30% husi programa ne'e sei fo ba fetu.

REJISTRASAUN

Ba estudantes nebe maka sei rejista an hodi hetan bolsu estudu bele haruka email no dadus ba equipa bolsu estudu, maka turi mai ne'e

Email : sernscholar@gmail.com

Naran	Universidade
Data Moris	Fakuldade ou Departementu
Fatin Moris	Total semestre nebe remata ona
Numero Telefone (Indonesia)	Indeks Prestasi Kumulatif (IPK)
Universidade no Fakuldade nebe ita boot hili (ezemplo; UGM, Geology) 1. Olsaun atu hili primeiru (Universidade, Fakuldade) 2. Olsaun atu hili segundu (Universidade, Fakuldade)	

NB! “Kuando haruka email favor ida la presija attachment ou annexo”.

SELESAUN

Prosesu selesaun sei halao husi Instituisaun ka Universidade nebe hili tiha ona. Prosesu selesaun sei halao mos liu husi ezame entrada no assesmentu husi rezultadu ezame tuir semestre sira nebe remata ona. Detailu liu kona ba prosesu ne sei anunsiu iha tempo badak.

INFORMASAUN LIU TAN

Atu bele hetan informasaun kompletu no detailu liu tan, bele hakat mos hodi vizita amia nia website iha; www.sern-tl.org

ANNEXO A

Kondisaun atu simu bolsu estudu SERN (SSI)

1. Aplikantes la simu bolsu estudu seluk iha tempo nebe hanesan wainhira atu simu bolsu estudu husi SERN
2. Hela iha Indonesia durante periodu bolsu estudu SERN (exemptu, feriado, Vizita familia ou vizita terrenu iha Timor – Leste)
3. Sei remata bolsu Estudu SERN iha tempo ka periodu nebe assina ona iha kontratu
4. Sei halao estudu iha area nebe define tiha ona nebe fo husi bolsu estudu SERN no kumpri regulasaun no politika universidade nian
5. Sei halao estudu oras kompletu ka full time (sei laiha lisensa estudu) no tenke hetan resultado nebe satisfaz iha area nebe define tiha ona husi bolsu estudu SERN
6. Partisipa iha aktividade hotu nebe relaciona iha fakuldade laran rasik, inklui estudu no tutorial no finaliza aktividade nebe universidade fo (porezemplu; hakerek livru no proposta) no tenke tuir ezame akademiku
7. Presija fo atensaun katak, kuando ita boot serbisu durante bolsu estudu SERN lao, sei afeita ita boot nia estudu
8. Tenke fo informasaun ba official Kontaktu estudante nianiha universidade se hakarak troka departementu ou fakuldade no presija duni mudansa tenke hetan approvasaun husi universidade ne'e no SERN rasik
9. Aseita bolsu estudu SERN hodi kolekta ka halibur informasaun kona ba estudante ne rasik, familia no informasaun ba ema sira nebe refere
10. Fila fali mai Timor – Leste depoizde remata tiha estudu, no serbisu ho Governu Timor – Leste durante tinan 6 (ne'en) karik presija. (Ne'e la signifika katak Governu sei fasilita servisu depoizde remata tiha estudu)
11. Presija fo mos atensaun katak, se ita boot la fila mai Timor – Leste ka la serbisu ba Governu (se presija duni) maka ita boot debe hela Timor – Leste
12. Aseita mos kondisaun katak Bolsu Estudu se hapa bainhira deit kuando ita sira la hetan resultado nebe satisfaz, la halo tuir regulamentu tuir universidade, kontra ordem no Governu Timor – Leste inklui kontra termus no kondisaun atu simu bolsu estudu SERN ka kontra kondisaun viza ou se ita boot troka statutu viza nian.